

之維。蜚狐結塞而翬張。陋彼河山之四塞。雄茲帶
礪之八方。言登其山。厥有銀山鐵壁。千年積雪。翠
屏香徑。百丈巖嶂。潭柘畱擾龍之潭。黍谷傳吹灰
之垤。盤山三盤。千古一翠。螺山二螺。半灣如醉。壁
削峯崿。嵐飛黛媚。奚啻衡嶽之七十有二峯。鳥止
南朝之四百八十寺。百花之陀。偈仄嵯峨。非獲不
攀。非鳥不過。靈葩忍草。黃帝岐伯之所未曾羅。上
方之頂。磴梯逶迤。迴徑蟠曲。松巔汲深井。曰石經。曰
房山。梵宇剏剏於硤礪。聖水潄漈於洞灘。曰玉屏。
曰龜鏡。平巔可坐萬夫。香霧時流一洞。是皆幽薈。